

摘藻堂四庫全書薈要

子部

欽定四庫全書薈要

子部

御定淵鑑類函卷八十三

詳校官兵部主事臣雷純

欽定四庫全書薈要卷一萬一千五百三十一

子部

御定淵鑑類函卷八十三

設官部二十三

中書總裁

中書監

中書令

中書侍郎

中書總裁一

原杜氏通典曰中書之官舊矣謂之中書省自魏晉始

馬梁陳時凡國之政事並由中書省省有中書舍人五

人領主書十人書吏二百人

書吏不足并取助書

分掌二十一局

事各當尚書諸曹並為上司總國內機要而尚書唯聽

受而已被委此官多擅威勢後魏亦謂之西臺

宣武帝謂中書

監崔光曰卿是朕西臺大臣

北齊中書省管司王言并司進御之樂

及清商龜茲諸部伶官隋初改為內史省置令二人侍

郎四人

煬帝減侍郎二人

舍人八人

煬帝減去四人

通事舍人十六人

煬帝加起居舍人而改通事舍人為謁者臺職唐武德

三年復中書省龍朔二年改為西臺咸亨初復舊光宅

元年改為鳳閣

凡中書官隨署名改

神龍初復舊開元元年改為

紫微省五年復舊

時謂尚書省為南省門下中書為北省亦謂門下省為左省中書為右省

或通謂之兩省

令二人侍郎二人舍人六人左右散騎常侍起

居舍人左補闕右拾遺各二人通事舍人十六人其餘

小吏各有差 增文獻通考曰宋制中書省在左掖門

外西面北廊掌進擬庶務宣奉命令行臺諫章疏羣臣

奏請興創改革及中外無法式事取旨者凡除省臺寺

監長貳以下及侍從職事官外任監司節鎮知州軍通

判武臣遥郡橫行以上除授皆掌之凡命令之體有七

曰冊書曰制書曰誥命曰詔書曰敕書曰御劄曰敕榜

皆承制畫旨以授門下省令宣之侍郎奉之舍人行之
留其所得旨為底大事奏稟得旨者為畫黃小事擬進
得旨者為錄黃凡事於因革損益而非法式所載者論
定而上之設官十有一令侍郎右散騎常侍各一人舍
人四人右諫議大夫起居舍人右司諫右正言各一人
分房八曰吏房戶房兵禮房刑房工房生事房班簿房
制敕庫房元祐後析兵禮為二增催驅點檢分房十有
一又改生事房為開拆續文獻通考曰宋度宗咸淳

九年置機速房於中書以革樞密院泄漏兵事稽遲邊

報之弊

按舊宰相繼以門下省而主封駁之事其給事中諫議大夫起居注補闕拾遺與典儀城門符

寶皆屬官也宋自紹興中廢門下省而元因之故今繼以中書省及其屬官而給事中等官仍附於中書省掾屬之後通事舍人之上其遼南面中書省初名政事省間以門下省者遼所置也

太祖置世宗天祿四年建政事省十二年改中書省金初置中書省海陵正隆元年與門下省同罷元世祖至

元七年議立三省

侍御史高鳴上言臣聞三省設自近古其法由中書出政移門下議不合

則有駁正或封還詔書議合則還移中書中書移尚書尚書乃下六部郡國方今天下大於古而事益煩取法

一省猶曰有壅況三省乎且多置官者求免失政也但使賢俊萃於一堂連署叅決自免失政豈必別官異坐而後無失政乎

世祖深然之

明國初設中書省有左右相國洪武九

年改左右丞相左右丞各一人叅知政事二人總領衆

職分錢糧禮儀刑名營造四部其屬左右司郎中員外

郎都事各一人中書舍人二十人是年始置吏戶禮兵

刑工六部設尚書侍郎郎中員外郎主事統於中書省

十三年罷中書省止存中書舍人

按周六官廢而秦及列國皆設丞相佐天

子理萬幾漢設一丞相以御史大夫副之後改曰大司徒東漢因立司空而權移於尚書令僕自漢至宋其省

或尚書門下中書其長或令或監或僕射其佐或叅知政事或左右丞或侍郎皆真為相而名避之南渡以後至孝宗正其名曰左右丞相其佐仍曰叅知政事元因之置中書令以皇太子為之左右丞相同品同令平章政事左右丞叅知政事叅議高皇帝即大位仍置中書省罷令不設洪武三年革平章政事十三年以丞相胡惟庸專僭誅之因罷中書省散其柄於六尚書

中書總載二

原龍池

鷄樹

上見後侍郎五卞伯玉詩世語曰劉放孫資共典樞要夏侯獻曹

郭頌魏晉

肇心內不平殿中有鷄棲樹二人相謂此亦久矣其能復幾指謂中書監劉放中書令孫資

西掖

右曹

上見後侍郎五劉楨詩應劭漢官儀曰左右曹受尚書事前世文士以中書在右因謂中書

為右曹又稱西掖

紫宸

清禁

上見卞伯玉赴中書詩下詳西掖注

西省

內樞

何法盛晉中興書曰范甯拜中書侍郎尚掌西省宋泰始起居注曰王言之職總司清要中

將軍丹陽尹王景文夙尚弘簡情度淹粹忠規茂績實宣國道宜兼管內樞以重其任可中書令

掖

垣

綸閣

上詳西掖注王珉直中書詩云高閣臨雲日險岑仰天居

又中書職掌綸誥前代詞人因謂綸閣

中書總裁三

原領尚書事

漢舊儀云漢舊置中書官領尚書事按漢書百官公卿表云少府屬官有中書謁

者黃門鈎盾尚方御府永巷內者宦者八官令丞諸僕射署長中黃門皆屬焉

掌尚書事

漢書

百官公卿表云孝武帝遊宴後宮以宦者掌尚書事改中書謁者令署僕射凡宦者之職皆曰中成帝建始四年罷中書官改中書謁者為中謁者

掌機密

漢舊儀云中書掌詔詰答表皆機密之事

掌

內事

環濟要略云中書掌內事密下州郡及邊將不由尚書

非良才何可斯任

詳中書令二

非輕才所可獨任

王獻之啓琅邪文孝王為中書監表云中書重職掌

詔命當否是寄自大晉建國常令宰相參領中興以來益重其任故非輕才所可獨任也

中書總裁四

原詩齊謝玄暉直中書省詩曰紫殿肅陰陰彤庭赫弘敞風動萬年枝日華承露掌玲瓏結綺錢深沈映珠網

紅藥當階翻蒼苔依砌上茲言翔鳳池鳴珮多清響信

美非吾室中園思偃仰朋情以鬱陶春物方駘蕩安得

凌風翰聊恣山泉賞唐魏知古春夜寓直鳳閣懷羣

公詩曰拜門傳漏晚寓省索居時昔重安仁賦今稱伯

玉詩鴛池滿不溢鷄樹久逾滋夙夜懷山甫清風詠所

思韋承慶直中書省詩曰清切鳳皇池扶踈鷄樹枝

唯應集鸞鷟何為宿羈雌大造乾坤闢深恩雨露垂昆

蛟既含養鴛駘亦驅馳木偶翻為用芝泥忽濫窺九思

空自勉五字本無施徒喜逢千載何階答二儀螢光向
日盡蚊力負山疲禁宇庭除闊閒宵鐘箭移暗花臨戶
發殘月下簾欹白髮隨年改丹心為主披命將時並泰
言與行俱危寄謝登巢客堯年復在斯 增唐沈佺期

春夜宿直鳳閣懷羣公詩曰西禁青春滿南端皓月微
千廬宵駕合五夜曉鐘稀星斗橫綸閣天河度瑣闥煙
花章奏裏分向夕郎飛 又酬蘇員外味道夏晚寓直

省中見贈詩曰並命登仙閣通宵直禮闈大官供宿膳

侍史護朝衣卷幔天河入開牕月露微小池殘暑退高
樹早涼歸冠劔無時釋軒車待漏飛明朝題漢柱三署
有光輝 岑參省中即事詩曰華省繆為郎蹉跎鬢已

蒼到來恒幙被隨列且含香竹影遮窗暗花陰拂簟涼
君王新賜筆草奏向明光 又西掖省即事詩曰西掖
重雲開曙暉北山踈雨點朝衣千門柳色連青瑣三殿
花香入紫微平明端笏陪鵷列薄暮垂鞭信馬歸官拙
自悲頭白盡不如巖下偃荆扉 錢起春夜寓直詩曰

養性慣雲臥為郎如鳥棲不知仙閣峻惟覺玉繩低帳
喜香煙暖詩慚賜筆題未央春漏促殘夢謝晨鷄 又

和萬年成少府寓直詩曰赤縣新秋夜文人藻思催鐘
聲自仙掖月色近霜臺一葉兼螢度孤雲帶鴈來明朝
紫書下應問長卿才 李嘉祐和張舍人中書宿直詩

曰漢主留才子春城直紫微對花閭闔靜過竹吏人稀
裁詔催添燭將朝欲更衣玉堂宜歲久且莫厭彤闈

白居易中書寓直詩曰繚繞宮牆圍禁林半開闔闔曉

沈沈天晴更覺南山近月出方知西掖深病對詞頭慚
彩筆老看鏡面愧華簪自嫌野物將何用土木形骸麋
鹿心 鄭谷省中偶作詩曰三轉郎曹自勉旃莎隄吟
步想前賢未如何遜無佳句若比馮唐是壯年捧制名
題黃紙尾約僧心在白雲邊乳毛松雪春來好直夜清
閒且學禪 崔峒奉和給事寓直詩曰桂枝家共折鷄
樹代相傳忝向鸞臺下仍看鴈影連夜閒方步月漏盡
欲朝天知去丹墀近明王許薦賢 皇甫曾和謝舍人

雪夜寓直詩曰禁省夜沈沈春風雪滿林滄洲歸客夢
青瑣近臣心揮翰宜鳴玉承恩在賜金建章寒漏起更
助掖垣深蘇頲春晚紫薇省直寄內詩曰直省清華
接建章向來無事日猶長花間燕子棲鵲竹下鵷雛
繞鳳凰內史通宵承紫誥中人落晚愛紅妝別離不慣
無窮意莫誤卿卿學太常韋應物和張舍人夜直中
書詩曰西垣草詔罷南宮憶上才月臨蘭殿出涼自鳳
池來松桂生丹禁鴛鴦集雲臺司空曙晚秋西省寄

上李韓二舍人詩曰晝漏傳清唱天恩禁旅秋鴈親承
露掌砧隔曝衣樓賜饌中人送餘香侍女收仍聞勞上
直晚步鳳池頭姚合和令狐六負外直夜即寄上相
公詩曰霜臺同處軒牕接粉署先登語笑疎皓月滿簾
聽玉漏紫泥盈手發天書吟詩清美招閒客對酒逍遙
臥直廬榮貴人間難有比相公離此十年餘

中書監一

增晉陽秋曰朱整少有名行官至中書監魏禪晉使整

與中書令劉良共為詔世祖踐阼權即用之 冊府元
龜曰荀勗為中書監與散騎侍郎阮咸論音律自以為
遠不及也疾之出補始平太守 又曰荀勗為中書監
久管機密有才思探得人主微意不犯顏廷爭故得始
終全其寵祿 又曰晉謝安孝武帝時為中書監 又
曰庾冰成帝時為中書監輔政初冰為吳國內史會蘇
峻作逆冰行奮武將軍拒峻別率張健走之乘勝赴京
師又遣將攻拔石頭城封新吳縣侯固辭不受 又曰

南齊褚淵高帝建元初為中書監時淮北屬江南無復
鰻魚或閒闕得至者一枚直數千錢有餉淵鰻魚三十
枚淵雖貴而貧薄過甚門生有獻計賣之云可得十萬
錢淵變色曰我謂此是食物非曰財貨雖復儉乏寧可
賣餉取錢耶悉與親族啖之少日便盡 又曰北齊魏
收為中書監武成於華林別起元洲苑備山水臺觀之
麗詔於閣上畫收其見重如此 又曰後魏高允獻文
時為中書監加散騎常侍太和二年以疾告歸其年詔

以安車召允至都拜鎮軍大將軍領中書監固辭不許
是時貴臣之門皆擁列顯官而允子弟皆無顯官列爵
其廉退如此

中書監二

原監令同車

曹嘉之晉紀云中書監令同車入朝和嶠為令時荀勗為監嶠意強抗專車而坐乃

使監令異車自嶠始也

宰相叅領

詳總載

機密之要宜得其才

王隱晉書云張華字茂先為中書令加散騎常侍為中書監永平元年詔曰華體量清粹才識經濟前任中書有思謀之勤機密之安宜得其才以華為中書監加侍中

當否是寄故非輕才

詳前

中書總載

加典著作又定律令

王隱晉書云荀勗字公曾拜中書監加典著作與賈

充共定律令

事多不泄子弟管之

傳暢晉諸公贊曰華廙字長駿為中

頒下施用

書監時戎事多不泄廙年老病風令其子奮草詔先時

荀勗為監末年亦使息但書詔草前後相承以子弟管

之自此

荀勗從遷發志

王導表云乞得除中書監專一所司竭誠保傳惟力是視

始也

詔曰昔荀公曾從中書監遷尚書令人賀之乃發志

曰奪我鳳凰池卿諸人賀我耶願足下處之勿疑

庾亮以姻婭地嫌

晉書庾亮傳曰肅祖即位欲使亮為中書監上疏曰臣領中書則示天下

以私矣何者臣於陛下后之兄也姻婭地嫌雖太上至公聖德無私然世之喪道有自來矣悠悠六合皆私其

姻人皆有私則

天下無公矣

中書令一

原杜氏通典曰舜攝位命龍作納言出入帝命周官內史掌王之八柄爵祿廢置生殺與奪執國法及國令之貳以考政事蓋今尚書之任其所置中書之名因漢武帝遊宴後庭始宦者典事尚書謂之中書謁者置令僕射元帝時令弘恭僕射石顯秉勢用事蕭望之以為中書政本宜以賢明之選更置士人自武帝改用宦者掌出入奏事非舊制也成帝建始四年改中書謁者令曰

中謁者令更以士人爲之皆屬少府漢東京省中謁者

令官

時有中官謁者令非其職也

魏武帝爲魏王置秘書令典尚書

奏事又其任也文帝黃初初改爲中書令又置監以祕

書左丞劉放爲中書監右丞孫資爲中書令並掌機密

中書監令始於此也及明帝時中書監令號爲專任其

權重矣

時中護軍蔣濟上疏諫曰夫大臣太重者國危左右太親者身蔽古之至誠威權在下則衆心

慢上勢之常也今外所言輒云中書實握事要日在目前儻因疲倦之間有所割制臣見其能推移於事即亦向附之請分任衆官不使聖明之朝有專吏之名也

晉因之置監令一人始皆同

車後乃異焉魏晉以來中書監令掌贊詔命記會時事

典作文書

又後魏孝文時蠕蠕有國喪帝遣高間為書與之不叙凶事時孝文謂曰卿為中書監職

典文辭若情思不至應謝所任又曰崔光為中書令敕光為詔逡巡不作蠕如充切

以其地任

樞近多承寵任是以人固其位謂之鳳凰池焉晉置銅

印墨綬進賢兩梁冠絳朝服佩水蒼玉乘輅車

晉書曰張華為

監裴楷為令共掌機密

東晉常并其職入散騎省尋復置之宋冠

佩印綬與晉同梁中書監令清貴華重大臣多領之其
令舊選吏部尚書才地俱美者為之陳因梁制後魏亦

有監令

高允字伯恭為中書令文帝重之不名呼為令公

北齊因魏制後周置

內史中大夫二人掌王言亦其任也隋初改中書為內史置監令各一人尋廢監置令二人煬帝大業十二年又改內史為內書後復為內史令唐武德初為內史令常有敕而中書門下不時宣行高祖責其遲晚內史令蕭瑀曰臣大業之日見內史宣敕或前後相乖者百司行之不知何所承用所謂易雖在前難必在後臣在中書日久備見其事今黃閣初構事涉安危若遠方有疑恐失機會比每受一敕臣必審勘使與前敕不相乖背者始敢宣行遲晚之愆實由於此上善之

三年

改為中書令亦置二人龍朔二年改為右相咸亨二年

復舊光宅二年又為內史神龍元年復為中書令開元
元年改為紫微令五年復為中書令天寶元年改為右
相

至德初復為中書令自隋至今皆為宰相舊班正三品大歷二年陞為從二品

按令文掌侍

從獻替制敕冊命敷奏文表授冊監起居注總判省事
初學記曰案中書令漢武帝所置出納帝命掌尚書
奏事蓋周官內史之任初漢武遊宴後庭公卿不得入
始用宦者典尚書通掌圖書章奏之事其後遂罷尚書
改置中書謁者令盡用宦者故沈約宋書百官志云中

書本尚書官是也謝靈運晉志云以其總掌禁中書謂

之中書漢武時司馬遷被腐刑之後為中書令則其職

也漢書不言謁者史省文也

其官本名曰中書謁者令漢書直云遷為中書令是

史省文也宣帝時弘恭坐腐刑累遷為令明習文法勢傾內外然恭死石君防亦坐腐刑代為令

至成

帝置尚書官改中書謁者令所掌非盡權要舊任也

蓋直

為禁中宦者之職非掌朝廷要事也

故謝靈運晉書云漢成帝已後無復

中書之職是也東漢初亦無其官至獻帝時魏武為魏

王置祕書令此又中書之任也

以其中書通掌圖書祕記之事故以祕書為名

魏文改祕書令為中書令魏晉以來皆置一人品第三

妙選文學通識之士為之掌王言江左更重其任多以

諸公兼之

古者宰相本是三公至魏晉中書令掌王言才望既重多以諸公兼之近世以來若三公

無其人則闕而中書當宰相輔之任

近世始專其職隋文帝改為內史令

置二人

隋室諱中依周官改為內史

煬帝改為內書令

已上並出漢官及齊職儀

并五代史

百官志

增文獻通考曰宋制掌佐天子議大政授

所行命令而宣之祀大神祇則升壇饗宗廟則陞阼階相禮臨軒冊命則讀冊建儲則升殿宣制及璽綬以授

太子大朝會則詣御座前進方鎮表及祥瑞未嘗真拜以他官兼領者不與政事然止曹佺餘皆贈官官制行以右僕射兼中書侍郎行令之職別置侍郎以佐之元豐寄祿為開府儀同三司

容齋洪氏隨筆曰紹興五年宣麻制除嗣秀王伯圭兼中

書令侍中中書令為兩省長官自唐以來居真宰相之位而中令在侍中上肅宗以後始以處大將故郭子儀僕固懷恩等皆為之然不與國事懿僖昭之時員浸多率由平章事遷兼侍中繼兼中書令又遷守中書令三者均稱使相皆大敕繫銜而下書使字五代尤多國朝創業之初尚仍舊貲於是吳越王錢俶等十五人同時兼中書令太宗朝唯除石守信而趙普以故相拜真宗但以處親王嘉祐末除宗室東平王允弼襄陽王允良

元豐中除曹脩官制行改三使相並為
開府儀同三司元祐以後不復有之

續文獻通考

曰遼置中書令其次有大丞相左丞相右丞相而繼以
知中書省事中書侍郎中書平章事中書叅知政事元

初置中書令一員銀印典領百官會決庶務太宗以相

臣為之世祖以皇太子兼之自左右丞相而下平章二

員左右丞各一員副宰相裁成庶務號左右轄叅政二

員副宰相叅大政

趙天麟上策略曰中書者機務之闕
津天門之鎖鑰挈四海蒼生之命掌

萬春皇闕之家任之而當則奠枕磐石任之未當則瘝
官病政此實國家股肱心膂之臣也太子為天子之元

子任天下之副君又何須銀章玉帶輝一時之華按元階祕府都堂占大臣之上位名為重之實以輕之

中書今為極尊次則左右丞相平章政事左右丞叅政

叅議中書省事

元世祖中統元年置叅議中書省事典左右司文牘為六曹之管轄軍國重事

咸與決焉

左右司郎中亦預叅贊焉

元世祖中統元年中書置郎中至元

曰叅議府

十五年分置左右司郎中員外郎都事各二員

順帝至正七年又置中書議事

平章四人

趙天麟論都省行省職掌略曰臣聞車輿之樞要在於管轄衣裳之提綱繫於要領要領

不可以兼衽袂之資管轄不可以兼轡衡之用我國家內立中書外立行省防微之理亦已至矣然猶有未盡者竊見中書內省密邇皇宮統餘省於上游弼聖躬於中域但當坐而論道據槐府以秉鈞寬以宅心守台司

而助化今也釐毫細務靡不相煩升斗微官亦來取決
豈非管轄兼轄銜之用要領兼衽袂之資乎伏望陛下
載崇都省申以大名選才德無
玷地望極清者為大中書令

中書令二

原漢書曰司馬遷既被刑之後為中書令尊寵任職武
帝以太史丞司馬談為太史公應劭曰中書令太史公
位在丞相之上天下計偕先上太史公却付丞相 增
御覽曰吳志曰蔡欽字文德歷位內外以清貞顯於當
世衛尉領中書令 又曰胡沖平和有文幹天紀中為

中書令 原臧榮緒晉書曰潘尼性澹退唯以著述為

事永興末為中書令 晉書賀循字彥先為中書令時

朝廷凝滯皆諮焉為世儒宗 晉諸公贊曰陳准為中

書令張華為監准與華俱處機密而准雅崇華每至直

日有詔書無大小輒先示華了不厝意華得詔書不以

示准 增冊府元龜曰晉張華為中書令加散騎常侍

武帝潛與羊祜謀伐吳羣臣多以為不可惟華贊成其

計 原晉諸公贊曰懷帝以繆播為中書令朝事莫不

詔之人君之所取信於臣下無以尚也 晉中興書曰

肅祖以溫嶠為散騎常侍侍講太寧初手詔曰卿既以
令望忠允之懷著於周旋且文清而旨遠宜居深密今
欲以卿為中書令朝論亦咸以為宜 檀道鸞陽秋曰
溫嶠為中書令上疏曰臣才短學淺文疏不通中書之
職酬對多方斟酌禮宜非惟文疏而已自非望士良才
何可妄居斯任累辭而止 晉中興書曰褚裒授衛將
軍中書令以中書銓管詔命不宜以親居之固讓 檀

道鸞陽秋曰王洽字敬和拜中領軍尋加中書令固讓
表疏十上穆宗詔曰敬和清裁貴令昔為中書郎吾時
尚小數呼見意甚親之今所以用為令既機任須才且
欲時時相見共講文章待以不臣之義豈便任國之大
事耶宜推洽令拜固讓遂不受 王珉別傳曰珉字季
琰詔曰新除侍中王珉才學廣贍理識清通宜處機近
以叅時務其以珉兼中書令 沈約宋書曰傳亮永初
元年為太子詹事中書令專典詔令以亮任總國權聽

於省中見客神虎門外每旦車嘗數兩 增齊書曰王

延之代張緒為中書令何黯歎曰晉以子敬季琰為此
職今以王延之張緒為之可謂清官後接之者實為未

易 後魏書曰任城王澄為中書令蕭順使庾華來朝
見澄音韻適雅風儀秀逸謂主客郎張尋曰往魏任城
以武著稱今魏任城以文見美也 北史曰高允為中
書令高宗禮敬甚重謂羣臣曰如高允者真忠臣也

又曰高允拜中書令司徒陸麗曰高允雖蒙寵待而妻

子不粒高宗是日幸允第草屋數間布被緼袍高宗歎

息久之曰古人之清豈有如此即賜帛五百匹 冊府

元龜曰高允為中書令遷中書監魏初法嚴朝士多見

杖罰允歷事五帝出入三省五十餘年初無譴咎 又

曰袁翻少以文學擅美孝明孝昌中為中書令領給事

黃門侍郎與徐統俱在門下並掌文翰 唐書曰房玄

齡太宗即位為中書令第功班賞以如晦等功第一餘

皆以次封拜 又曰褚遂良拜中書令太宗寢疾召遂

良及長孫無忌入臥內謂之曰卿等忠烈簡在朕心昔漢武寄霍光劉備託諸葛亮朕之後事一以委卿又顧謂太子曰無忌遂良在國家之事汝無憂矣又曰張九齡為中書令時天長節百官多獻珍異惟九齡進金鏡錄五卷言前古興廢之道上賞異之唐記曰長孫無忌檢校中書令猶知門下省帝欲立昭儀為后無忌固言不可又曰帝嘗宴諸王召薛元超從容謂曰任卿中書寧藉多人哉俄拜中書令冊府元龜曰岑文

本貞觀中遷中書令歸家有憂色其母怪而問之文本
曰非勲非舊濫荷寵貴位高任重古人所懼撫已循心
所以憂耳親賓來賀者輒曰受弔不受賀 事文類聚
曰岑文本為中書令或勸其營產業文本歎曰吾漢南
一布衣無汗馬勞以文墨位宰相俸秩已重尚何殖產
業耶 冊府元龜曰馬周為中書令攝吏部尚書太宗
嘗賜周飛白書曰鸞鳳凌雲必資羽翼股肱之寄誠在
忠良 又曰溫彥博貞觀中為中書令性周慎不妄交

遊自掌機務杜絕賓客國之利害知無不言太宗以是
嘉之 又曰蕭嵩為中書令兼脩國史在公慎密人莫
測也 又曰姚崇為中書令與宋璟進忠良退不肖賞
罰必中朝綱克舉又選補平允委用廉吏權門請託無
所復行 又曰竇威為內史令性儉素不樹產業及卒
家無餘財 唐書曰郭子儀為中書令二十四考以身
係天下安危 事文類聚曰薛收子元超拜中書令兼
左庶子帝幸東都留輔太子監國手敕曰朕留卿若失

一臂顧太子未習庶務關中事卿悉專之 又曰魏元

忠兼中書令請歸鄉拜埽特賜錦袍一領銀千兩并給

千騎四人充其左右手敕曰衣錦晝遊在乎茲日散金

數惠諒屬斯辰 孔帖曰王及善拜內史清正自持有

大臣節時二張怙寵每侍宴無人臣禮及善數裁抑之

后不悅曰卿年老不宜侍遊宴及善即移病月餘后不

復問及善歎曰中書令可一日不見天子乎遂乞骸骨

不許改文昌左相同鸞臺三品 又曰裴炎改中書令

舊制宰相議事門下省號政事堂長孫無忌以司空房
玄齡以僕射魏徵以太子太師皆知門下省事至炎以
中書令執政故徙政事堂於中書省 又曰張嘉貞始
為中書舍人崔湜輕之後與議事正出其上湜驚曰此
終其坐後十年而為中書令 又曰嘉貞薦苗延嗣員
嘉靜呂太一崔訓皆位清要日與議政事當時語曰令
君四俊苗呂崔員 又曰蕭至忠為中書令時宗楚客
懷姦植黨而韋巨源楊再思李嶠務自安無所弼正至

忠介其間獨不詭隨時望翕然歸重帝亦曰宰相中至忠最憐我 又曰裴度拜中書令上已宴曲江度不赴帝賜詩 元史曰耶律楚材為中書令事無鉅細皆先白之帝南征克汴梁親執觴賜楚材曰朕之所以推誠待卿者先帝之命也非卿則中原無今日矣時西域諸國及宋高麗使者來朝帝指楚材示之曰汝國有如此人乎皆謝曰無有殆神人也

中書令三

原專車

隔坐

上詳中書監二 吳錄曰紀騰字子上 景皇時騰父亮為尚書令騰為中書令

每朝會以雲母

望士

勝會

上詳中令二 晉陽秋曰王獻之少而標邁不

屏風隔其坐

循常貫而撮其勝

典詔命

宣國道

上詳中令二 下見中書總內

會故為中書令

樞注

叅時務

典史書

上詳中令二 晉令曰中書為 詔令記會時事典作史書也

立為頌

共講文

崔鴻後趙錄曰徐光字季武頓丘 人幼以文才年十三王陽攻頓丘

掠之而令主秣馬光但書柱作詩賦左右以白勒勒令 召光付紙筆光立為頌賜衣服遷為中書令 下詳中

令

貴幸傾朝

尊寵任職

漢書曰石君防與弘恭皆 少坐腐刑為中黃門以選

為中尚書宣帝時任中書官以恭為令君防為僕射恭 死君防代為令貴幸傾朝百僚皆敬事 下詳中令二

才學廣瞻

文旨清遠

並詳中令二

意性調美

情度

淹粹

薛瑩條列吳事曰吳冲意性調美心趣解暢有刀筆閑於時事為中書令雖不能匡矯亦自有守不

苟求容媚

下

增風儀秀逸

進止雍容

上詳中令二 事文

詳中書總二

類聚云唐温彦博遷中書令彦博善於宣吐每奉使入朝召問四方風俗承受綸言有若成誦聲韻高朗響溢殿廷進止雍容觀者拭目高祖嘗識朝臣詔太宗諭旨既而顧謂侍臣曰何如温彦博其見重如此 二

員相逼

四俊見稱

孔帖曰張嘉貞初為兵部張說已為侍郎及皆相說位其下議論無

所讓故說不平後嘉貞出為幽州刺史說代其處嘉貞銜悔謂人曰中書令幸二員何相逼耶 下詳中令二

創綠野堂

進金鏡錄

事文類聚云裴度徙東都留守加中書令時閣豎擅威天

子擁虛器度不復有經濟意乃治第東都又於午橋創別墅號綠野堂與白居易居劉禹錫為文章把酒窮晝夜相歡不問人間事

下詳中令二

命停嚴鼓 索焚表章

事文類聚云太宗車

駕征遼中書令岑文本卒帝親臨視撫之流涕其夕帝聞嚴鼓三聲曰文本殞逝情深惻怛今宵夜警所不忍聞命停之又云馬周為中書令臨終索陳情表章帙手自焚之慨然曰以官案彰君之過求身後之名吾弗為也

中書令四

原處機密

詳中令二

掌機管

王洽集辭中書令表云竊以中書職掌機管有由來矣漢

武之世始建此職歷代時宜置廢遂重武帝朝荀勗張華並為其任中興以來宰相居也

俱處機

密

晉諸公贊曰裴楷為中書令加侍中與光祿大夫張華俱處機密楷有時望而華獨開府時皆貴之華不

敢受尋進楷開府也

便居顯要

檀道鸞陽秋云王洽為中書令時年二十九將辭免兄王胡之

遺之書曰昔大將軍事故吾年二十九在烏衣宅諸文臺門詣謝還北窗牀上悲歎曰今出求為貧賤不可得

弟今二十九便居清顯要任敢不敬以先旨為弟啓義讓之路也

奕世

晉陽秋曰王獻之為中書

令為一時風流之冠卒以王珣為中書令世謂之大王令小王令也珣父洽又嘗為此官珣復繼之時人以為

奕世令望

一時之美

劉謙之晉記云中書令王獻之卒贈太常以侍中王珣代之皆一時之美

也

清雅正事

王敦集表云中書令領軍庾亮清雅正事中書監領軍如故

增中

書五郎

晉諸公贊曰陳准為中書令省中號中書五郎

自後缺位

事文類聚曰玄宗時

宰相蕭嵩加中書令自張說為中書令後

掌文誥職

又曰張九齡一代詞宗為中書令引韋陟為中書舍人與孫逖梁陟對掌文誥時人以為美談

開國

舊勲

又曰宋趙普端拱初三入相稱疾上表致仕以普為西京留守河南尹加中書令太宗賜手詔曰開

國舊勲惟卿一人而已

台樞令德

又曰王旦罷相薨翰林學士承旨李

不同他等毋即固辭

淮等奏議曰太尉王旦踐歷台樞將二十年紀律用張方夏咸服藹然令德洽於民瞻贈太尉中書令

中書令五

原墓志梁簡文帝中書令臨汝靈侯墓志銘曰昔太祖時其惟宣武講道開天儀嵩作輔是曰邢第籍規承矩

如康嗣衛似禽居魯息轡巖隈塗窮夜臺靈檐永闌松

路方開草茂故轍松插新枝月明泉暗暑往寒來 梁

元帝中書令庾肩吾墓志曰荆山萬重地產卞和之玉

隋流千仞水出靈蛇之珠故能肩茲屈景育斯唐宋掌

庾命族世濟琳琅遂昌開國蟬聯冠冕父易高尚其道

肥遯貞吉闕吏早逢夙表真人之氣少微晚映還彰隱

士之星肩吾氣識淹通風神閒逸鐘鼓詞林笙簧文苑

入為度支尚書任同北斗錫韓稜之劒朝比南宮識鄭

崇之履余以其為人也瑚璉之器無慚垂棘杞梓之材
有功廊廟故贈散騎常侍蓋旌賢也 張纘中書令蕭

子顯墓志曰君狀貌丘墟風神磊落閒澹動於容止英
奕發於流盼筆鋒席上皆如素蓄切問近思見稱閑敏
帝嘗顧問君曰我撰通史若成衆史可廢乃答詔曰仲
尼贊易道黜八索述職方除九丘聖製符同復在茲日
儲君毓德少陽情協陳阮親口妙思式表元石

原表宋謝莊讓中書令表曰伏惟陛下登取震維臨齊

璿政澤與風翔恩從雲動臣聞壁門天邃鳳沼神深絲
綸王言出納帝命自非望允當時譽宣庠塾未有謬垂
曲寵空席茲榮在於平壯猶不可勉況今縣瘠百志俱
淪

增制唐蘇頌行張說中書令制曰咸有其德委廊廟之
元宰知無不為歸掖垣之成務燕國公張說含和育粹
特表人師懸解精通見期王佐故能深而不竭久而彌
芳宣大號於紫宸潤昌圖於清禁我憑柱石爾作鹽梅

行姚崇紫微令制曰黃門天之紫微地在清禁宰臣
為重庶政攸先不有殊才曷云兼寄梁國公姚崇河山
粹氣禮樂清英德量在寬公心益厚詞必體要行之自
遠學以窮微志於可大允茲忠謹光我謀謨聞善若驚
欲仁斯至衣冠以為著蔡廊廟資其柱石朕之欽者管
樂人之傑者蕭張遂能以身許國開物成務邦是用乂
朝惟得賢北辰環拱西垣近密俾因題劒之榮式演如
絲之命 宋韓通贈中書令制曰易姓受命王者所以

狗至公臨難不苟人臣所以明大節具官定交霸府委
質前朝荷戈共歷於艱貞錫壤迭分於戎律朕以三靈
睠祐百姓樂推言念元勲方酬異渥蒼黃遇害良用慟
然追升浴鳳之池式表潛龍之舊

中書侍郎一

原杜氏通典曰中書侍郎漢置中書領尚書事有丞郎
魏黃初初中書既置監令又置通事郎

魏志曰掌詔草
即漢尚書郎之

位

次黃門郎黃門郎已署事過通事乃署名已署奏以

入為帝省讀書可後改通事郎為中書侍郎晉置四員及江左初又改為通事郎尋復為中書侍郎其職副掌王言更入直省五日從駕則正直從次直守

張華兼中書郎從駕

征鍾會掌書疏表撰

又荀勗奏始中中書郎張華王

濟猶尚自起草及後遂失舊體

又華虞為人弘雅加

以名家子孫以婦父盧毓典選至三十五為中書通事郎

宋中書侍郎進賢一梁冠

介幘絳朝服用散騎常侍為之齊梁皆四人梁以功高

者一人主省内事陳因之後魏北齊置四員隋初為內

史侍郎亦四員煬帝減二員改為內書侍郎唐初為內

史侍郎武德三年改為中書侍郎龍朔以後隨省改號

而侍郎之名不易

舊制正四品上大
歷二年陞從三品

員二人掌侍從獻

替制敕冊命敷奏文表通判省事

初學記曰案敘中

書侍郎魏官也又環濟要略曰中書有令僕射丞郎謂

西漢時也又案衛宏漢舊儀曰漢置中書領尚書匈奴

營部一郎民曹一郎謁者一郎此則中書郎已聞漢代

記傳無明文莫知廢置之由矣沈約宋志云晉改通事

郎為中書侍郎蓋此始也

按魏志司馬宣王辟王伯興
擢為中書侍郎亦明帝時據

此中書侍郎起魏代沈約宋書云晉改似謬也

案隋初改中書省為內侍省隋

末改為內書監唐初又改為內史省龍朔二年改為西臺光宅初改為鳳閣開元初改為紫微其侍郎各因臺

閣改易為名

若鳳閣則名鳳閣侍郎其舍人以下皆倣此

增六典曰中書

侍郎掌貳令之職凡邦國之庶務朝廷之大政皆叅議焉凡臨軒冊命大臣令為之使則持冊書以授之凡四方來朝臨軒則授其表疏升於西階而奉之若獻贄幣則受之以授於所司 文獻通考曰宋制侍郎掌貳令

之職參議大故授所宣詔旨而奉行之官制行以尚書
右僕射兼又別置侍郎以代叅知政事建炎初復改侍
郎為叅政

中書侍郎二

原魏志曰明帝詔舉中書郎謂吏部尚書盧毓曰得其
人與不得其人在盧生耳選舉莫取有名有名如畫地
作餅不可噉也毓舉韓暨敦篤有至行帝乃用之王
隱晉書曰華表子簡字奉駿有智器文藻官至中書郎

又曰陳壽舉孝廉為著作郎與張華友善華當啓轉
中書郎荀勗黨疾壽華語吏部出為長廣太守 臧榮

緒晉書曰夏侯孝若為野王令居邑累年朝野多歎其

屈除中書郎 曹嘉之晉紀曰汝南史曜為山濤所知

曜字季茂父為征南府小吏鄉人周俊一見曜而友之

配之妹官至中書郎 晉書曰裴瓚字國寶楷子風神

高邁為中書郎出入禁門見者皆肅然改容 增晉書

曰衛瓘為中書郎時權臣專政瓘優游其間無所親踈

為傳嘏所倚重謂之甯武子

原晉中興書曰范甯字

武子少好學多所通覽為臨淮太守徵拜中書郎專掌西省以職在機近固辭不許多所獻替有益治道 晉

起居注詔曰今之士大夫多不樂出宰牧而好內官今皆先經外郡治民著績然後入為常伯中書郎 沈約
宋書曰王微與弟綽書曰闔門皆蒙時私吾高臥家巷
遂至中書郎此足以闔棺也 王濛別傳曰濛字仲祖
為中書侍郎在職四年無對首尾如一人又遷司徒左

長史少選四人年頻滿以濛難與比肩故也 增冊府
元龜曰宋江智淵為中書侍郎愛好文雅辭采清贍世
祖深相知待恩禮冠朝時讌私甚數多命羣臣五
六人遊集智淵常為其首同侶未及前輒獨蒙引進 又曰
殷景仁為中書侍郎臥疾者五年雖不見上而密表去
來日中以十數朝政大小必以問焉形跡周密莫有窺
其際者 又曰景仁為中書侍郎於國典朝儀舊章記
注莫不撰錄識者知其有當世之志 又曰南齊張融

太祖時為中書郎帝手詔賜融衣曰見卿衣服麤故誠
乃素懷有本視爾藍縷亦虧朝望令送一通故衣服謂
雖故乃勝新是吾所著已令裁減稱卿之體并履一量
又曰王融為中書郎武帝以其才辯使兼主客接魏
使房景高宋弁弁見融年少問主客年幾融曰五十之
年久逾其半 又曰王融為中書郎世祖幸芳林園禊
宴朝臣詔融為曲水詩序文藻富麗當世稱之 又曰
梁王峻天監中為中書侍郎高祖甚悅其風采與陳郡

謝覽同見賞擢 又曰任昉雅善屬文尤長刀筆才思

無窮遷中書侍郎高祖霸府初開以昉為驃騎記室梁
臺既建禪讓文誥多昉所具及踐阼拜黃門侍郎 又

曰丘遲為中書郎待詔文德殿武帝著連珠詔羣臣繼
作者數十人遲文最美 又曰陳姚察為中書侍郎歷

嘉德宣明二殿及東宮三學士每有制述多用新奇專
志著書白首不倦 北史曰趙彥深諷朝廷以子堅為

中書侍郎頗招物議時馮子琮子慈明祖珽子君信並

相繼居中書故時語云馮祖及趙穢我鳳池 冊府元
龜曰後魏高遵為中書侍郎與游明根高閭李冲入議
律令親對御座時有陳奏以積年之勞賜粟帛牛馬

又曰朱延雋為中書侍郎宣武專心釋典不事墳籍延
雋上疏諫 又曰趙逸為中書侍郎太武神麇三年三

月上已帝幸白虎殿命百僚賦詩逸製詩序時稱為善
又曰崔光本名孝伯歷中書侍郎甚為孝文所知待
嘗曰孝伯之才浩浩如黃河東注固今日之文宗也

又曰高閭為中書侍郎軍國書檄詔令碑頌銘贊百有餘篇其文亦高允之流世稱二高 又曰魏收兼中書侍郎季秋大射普令賦詩收詩末云尺書徵建鄴折簡召長安王文襄壯之顧諸人曰在朝今有魏收便是國之光彩 隋書曰元善拜內史侍郎上每望之曰人倫儀表也凡有敷奏聲氣抑揚觀者屬目 冊府元龜曰薛道衡開皇中為內史侍郎高祖每曰薛道衡作文書甚稱我意後善其稱職謂楊素牛弘曰道衡老矣驅使

勤勞宜使其朱門陳戟於是進位上開府 又曰虞世

基為內史侍郎煬帝重其才親禮逾厚專典機密 孔

帖曰溫彥博遷侍郎高麗貢方物高祖欲讓而不臣彥

博執不可曰遼東本周箕子國漢玄菟郡不使北面則

四夷何所瞻仰帝納之而止 冊府元龜曰岑文本為

中書侍郎儲宮初建名士多兼領宮官太宗亦欲令文

本兼攝文本固辭曰臣以庸才久逾涯分守此一職常

懼滿盈豈宜更忝春坊以速時謗乃止 唐書曰郭正

一永淳二年除中書侍郎正一在中書累年明習舊事

兼有詞學制敕多出其手當時號為稱職 又曰崔沔

拜中書侍郎或謂沔曰今之中書皆是宰相承宣制命

侍郎雖是副貳但署位而已甚無事也沔曰不然設官

分職上下相維各申所見方為濟理豈可俛默偷安而

為懷祿士也自後每有制敕及曹事沔多所異同 孔

帖舊史曰薛元超高宗時為中書侍郎特承恩遇嘗召

入與諸王同預私讌又重其文學政理之才曾謂元超

曰長得卿在中書固不藉多人 冊府元龜曰劉禕之

則天朝拜中書侍郎時軍國多事所有詔敕獨出禕之
構思敏速皆可立待 又曰蘇味道爲鳳閣侍郎味道

前居相位數載竟不能有所發明但脂韋其間苟度取
容而已故時人號爲蘇模稜 又曰蘇頲開元初爲中

書侍郎時李乂爲紫微侍郎與頲對掌文誥他日玄宗
謂頲曰前朝有李嶠蘇味道謂之蘇李今有卿及李乂
亦不謝之 又曰張鎰爲中書侍郎時朔方興戎帝注

意將帥以鎬有文武才業命兼河南節度使持節都統
淮南等道諸軍 又曰裴度為中書侍郎先是德宗朝
宰臣歸私第百官不敢及門度以方討不庭宰臣宜日
接多士冀有所聞因奏請私家通賓客帝方屬意許之
四方布衣得以策畫干丞相至今宰臣私第接士因度
之請也

中書侍郎三

原躍池 入室

上見卞伯玉赴中書詩 何法盛晉中
興書曰王濛字仲祖恬暢能言名理善

隸書與劉惔為中書郎太宗輔政濛惔並數侍接對每為入室之賓惔字真長少清峻時人以濛比袁曜卿以

惔比荀

專掌

無對

並詳侍郎二

軌制

書檄

何法盛晉中興

奉倩

書曰孔演字元舒晉國建興庾亮俱補中書侍郎於時中興肇建庶事草創演經學博通又練悉舊典朝儀軌制多取正焉由是元明二帝親愛之嵇氏世家曰嵇含字思道為中書郎書檄雲集初不立草至

行

直言

上詳侍郎二郎時烈宗雅好文學而明習五經甚見親愛

晉中興書曰范甯拜中書侍郎

朝廷擬議輒諮訪之甯指朝士直言無諱

鍾表

卞詩

郭頌魏晉世語曰司馬景王命中書

侍郎虞松作表再呈不可意令松更定之經時竭思不能改心存形色中書郎鍾會察有憂色問松以實對會取草視為定五字松悅服以呈景王景王曰不當爾耶松曰鍾會耳王曰如此可大用真王佐才也卞伯玉

有赴中

書詩

五字

片言

上詳鍾表注侍郎齊王收士衡付廷尉士衡

陸士衡轉中書

出後謝表曰臣以職在中書制命所出而臣本以筆札見知慮逼迫不獲已乃詐發內妹喪出就弟雲哭泣受弔片言隻字文不闕其間

中書侍郎四

原掌詔書

魏志云黃初中改祕書始置通事郎掌詔草也

掌密詔

環齊要略云中書掌

宮內密詔有令僕射丞郎

職典禁閤

曹毗集王仲祖誄云入管中書職典禁閤藻蔚華幄芳逸

雲達張華掌書疏

張華別傳云大駕征鍾會華兼中書郎掌書疏表檄文帝善之還乃即真

也

陸機以文學轉

王隱晉書云陸機字士衡以文學轉中書郎

大事及

議多見施行

又云李重遷中書侍郎每大事及疑議輒參以經典處決多見施行

論釋

多見稱述

晉書云庾亮中興初拜中書郎領著作侍講東宮其所論釋多見稱述與溫嶠俱為天子

布衣之好時帝方任刑法以韓子賜皇太子亮諫以中韓刻薄傷化不足留聖心太子甚納焉

王濟

少有俊才

文士傳云王濟字武子少有俊才起家為中書郎

王濟有文章

起晉

居注云武帝詔曰駙馬都尉王濟忠篤好學問有文章器幹其以為中書侍郎

增品第四特

預宴

孔帖曰于志寧為中書侍郎太宗嘗宴近臣問志寧安在有司奏敕召三品志寧品第四帝悟特詔

預宴 犯吾鱗裨闕失

又云杜正倫進中書侍郎與韋挺虞世南姚思廉論事稱旨帝設宴

具召四人者謂曰我聞神龍可擾以馴然領有逆鱗嬰者死人君亦有之卿屬遂犯吾鱗裨闕失朕豈慮危亡

哉思卿至意故舉酒以相樂也各賜帛有差

美官

又云蘇頌起為工部侍郎帝問宰相臣有自工部

侍郎得中書侍郎乎對曰陛下任賢惟所命何資之計乃詔以頌為中書侍郎帝勞曰方美官缺每欲用卿然宰相議遂無及

諫東西兩朋

又云邨處俊為中書侍郎高宗御殿觀酺時京

者朕為卿恨

城四縣及太常音樂分為東西兩朋帝令雍王賢為東朋周王潭為西朋務以角勝為樂處俊諫曰臣聞禮所以重童子無誑者恐其欺詐之心生也伏以二王春秋尚少意趣未定當須推多讓美相敬如一今忽分為二朋遽相誇競非所以道仁義示和睦也

中樞

白居易除璣

中書侍郎制曰宜登中樞以副僉望

中書侍郎五

原詩魏劉公幹贈徐幹詩曰誰謂相去遠隔此西掖垣

所恨清切禁中情無由宣思子沈心曲長歎不能言起

坐失次第一日三四遷步出北寺門遙見西苑園細柳

夾道生方塘含清源輕葉隨風轉飛鳥何翩翩 齊卞

伯玉赴中書詩曰大方信苞容優渥遂不已躍鱗龍鳳

池揮翰紫宸裏 唐太宗餞中書侍郎來濟詩曰暖暖

去塵昏灞岸飛飛傾蓋指河梁雲峰衣結千重葉雪岫

花開幾樹芳深悲黃鶴孤舟遠獨歎青山別路長聊將

分袂霑襟淚還用持添離恨觴

原表梁庾肩吾為寧國公讓中書表曰臣聞陟彼太行
伯厚之車屢怠望茲吳坂少游之馬難躋是知美非流
水立致摧轅駮靡浮雲便期頓轡起登天漢寧培九萬
之風坐濟星橋非使千年之翼豈有幼稱辯慧足對元
禮弱標俊穎能嘲子淑玉重組長空見休寵深宮邃宇
孰知懷憂

增制唐蘇頲行薛稷中書侍郎制曰慶傳於家者代濟

其美才許於國者時無與讓開國男薛稷公貞性成仁
和道勝坦然之量羣物不干其靜穆如之風九流不測
其度頃罹多難克仗嘉謀翼戴朕躬保寧王室厥功茂
矣朝廷賴焉俾迴踐於綸闈以增輝於鼎席 又孫逖
行徐安貞中書侍郎制曰清才特達雅量深沉為德行
之宗師是文詞之雄伯頃司水土兼典圖書博綜維精
彌綸有敘王言是屬公議攸歸宜增秩於五字俾齊名
於三入

御定淵鑑類函卷八十三

欽定四庫全書舊要卷一萬一千五百三十二

子部

御定淵鑑類函卷八十四

設官部二十四

中書舍人
通事舍人

主書附

中書舍人一

主書附

原杜氏通典曰中書舍人魏置中書通事舍人或曰舍人通事各為一職晉江左乃合之謂之通事舍人武冠絳朝服掌呈奏案章後省之而以中書侍郎一人直西省即侍郎兼其職而掌其詔命宋初又置中書通事舍

人四員入直閣內出宣詔命凡有陳奏皆舍人持入參

洩於中自是則中書侍郎之任輕矣齊永平初中書通

事舍人四員各住一省時謂之四戶權傾天下

如法亮久為中

書通事舍人後出為大司農中書勢利之職法亮戀之

垂涕而去

又熒惑入太微太尉王儉謂武帝曰天文

乖誤此由四戶

帝納之而不改與給事中為一流梁用人殊重簡以才

能不限資地多以他官兼領後除通事字直曰中書舍

人專掌詔誥兼呈奏之事

裴子野以中書侍郎鴻臚卿掌中書通事舍人別敕知詔

誥

自是詔誥之任舍人專之

魏晉以來詔誥並由中書令及侍郎掌之說在中書令

篇

陳置五人後魏有舍人省而不言其員北齊舍人省

掌署敕行下宣旨勞問領舍人十人後周有小史上士

二人此其任也屬春官隋內史舍人八員專掌詔誥煬

帝減四人後改為內書舍人唐初為內史舍人至武德

三年改為中書舍人置六員

貞觀元年中書舍人高季輔上封事曰時已平矣功

已成矣然而刑典未措者何哉良由謀獻之臣不弘簡

易之政臺閣之吏昧於經遠之道執憲者以深刻為奉

公當官者以侵下為益國未有坦平恕之懷副聖上之

旨伏願隨方訓誘使各揚其職敦樸素草澆浮使家識

孝慈人知廉恥杜其利欲之心載以清潔之化自然家

肥國富禍亂何由而作太宗善之特賜鍾乳一劑曰卿

進藥石之言故以藥石相報

龍朔以後隨省改號而舍人之名不易

專掌詔誥侍從署敕宣旨勞問授納訴訟敷奏文表分

判省事自永淳以來天下文章道盛臺閣髦彥無不以

文章達故中書舍人為文士之極任朝廷之盛選諸官

莫比焉

按後漢章和以後尚書為機衡之任尚書郎舍香握蘭直宿於建禮門大官供饌奏事明光殿

下筆為詔誥出語為誥令曹公為魏王置祕書令典尚書奏事則祕書之職近密尚書之職疎遠魏文帝初改祕書為中書自歷代相沿並管樞密而後漢尚書郎非今尚書郎乃中書舍人也武太后臨朝天授元年壽春郡王盛器兄弟五人初出閣同日受冊有司撰儀注忘載冊文及百寮在列方知闕禮宰臣相顧失色中書舍

人王勃立召小吏五人各令執筆口授分寫同時須臾俱畢詞理典贍時人歎服景龍四年六月初定內難唯中書舍人蘇頌在太極殿後文詔填委動以萬計手操口對無毫釐差誤主書韓禮談子陽轉書詔草屢謂頌曰乞公稍遲禮等書不及恐手脫將廢故事舍人六員各押尚書省一行天下衆務無不闕沒開元三年十一月紫微令姚崇奏紫微舍人六員無一頭商量事諸舍人同押連署狀進說凡事有是非理均予奪人心既異所見不同者望請別作商量連狀同進若狀語交互恐煩聖思臣既是官長望於兩狀後復略言二理優劣奏聽進止則人皆盡能官無留事敕曰可因是舍人唯知撰制不復分知機務既文書填委遂令書錄委之堂後又其權勢傾動天下姚竟因主書趙誨賊犯所累罷相姚誠多才而墮政擅權以成斯弊可哀哉

初學記曰案敘環濟要略云舍人古官也

周禮地官有舍人上士二

人舍猶宮也掌宮中之政出廩分財列仙傳曰琴高趙人善鼓琴為宋康王舍人也史記李斯為秦宮舍人漢書高祖起豐沛周勃傳寬樊噲皆以舍人從酈食其亦以舍人知宮內事然則中書舍人晉

官也自漢置中書無聞其職魏世中書始置通事一人

掌呈奏魏明時有通事劉泰是也高貴鄉公時改為通

事都尉尋又改為通事侍郎自晉宋以來唯掌呈奏宣

王言甚用事至梁多以尊官兼領並入閣內始專掌中

書詔誥

自魏晉詔誥皆中書令中書侍郎掌之至梁始以舍人為之

陳及北朝皆因

之掌制誥

陳及後魏又別置通事舍人掌宣奏北齊唯置中書舍人兼掌宣奏隋又別置通事舍人

專掌
宣奏

增六典曰中書舍人掌侍奉進奏參議表章凡
詔旨制敕及璽書冊命皆案典故起章草進畫既下則
署而行之其禁有四漏洩稽緩違失忘誤所以重王命
也制敕既行有誤則奏而正之 文獻通考曰宋初中
書舍人為所遷官實不任職復置知制誥及直舍人院
故事入西閣皆中書召試制誥三篇唯梁周翰不召試
而授其後楊億陳堯佐歐陽修亦如此例富弼為知制
誥繳還劉從愿妻封遂國夫人詞頭唐制唯給事中得

封還詔書中書舍人繳詞自弼始元豐五年詔中書舍人印為中書後省之印曾鞏陸佃並試中書舍人自是始正官名遂以中書舍人判後省之事分案五曰上案掌冊禮及朝會所行事曰下案掌受付文書曰制誥案掌書記制詞及試吏校其功過曰諫官案掌受諸司關報文書曰記注案掌錄記注其雜務則隨所分案掌之元祐初以蘇軾直舍人院有司言自官制行舍人院廢今為中書後省於是改為權中書舍人遂為故事後詔

舍人各籤諸房文字其命詞則論日分草中興置中書
後省以中書舍人為長官六員常除二員一員領吏房
及兵工房一員領吏房右選及禮刑房嘉泰四年李季
章辟以宗正少卿權中書舍人而中字犯祖諱季章辭
有旨權以直舍人院繫銜乃受命不知舍人院廢已久
矣蓋大臣失於討論也紹興初詔中書門下兩省已并
為中書門下省其兩省合送給舍文字今後更不分送
並送給事中中書舍人其後又詔以他官兼攝者稱權

直資淺者為直舍人院

石林葉氏曰國初循唐舊制凡命官遷除磨勘移易差遣中書

皆命詞給告不勝其繁元豐官制行始命階官職事官選人入品者給告無品官者但給黃牒而已元祐末猶以為多復命內外差遣及職事官本等內改易或再任者亦止給黃牒紹聖中朱服為舍人以為監司郡守初除不給告禮太簿乃詔待制以上知州及帥臣監司初除再任並出告尚書侍郎兩省御史臺官外餘官并監司本等內改易者仍給黃牒後復行之不同元符初中書省復檢舉如前令

續文獻通考

曰遼中書省設中書舍人院有中書舍人金元無明中書舍人屬內閣革中書省存中書舍人

中書舍人二

增冊府元龜曰劉超為中書舍人處身清苦衣不重帛
家無儋石之儲每元帝所賜皆固辭曰凡陋小臣橫竊
賞賜無德而祿殃咎是懼帝嘉之 又曰晉徐邈為中

書舍人孝武帝宴集酣樂之後好為手詔詩章以賜侍
臣或文詞率爾所言穢雜每應時取斂還省刊削皆使
可觀經帝重覽然後出之是時侍臣被詔者或宣揚之
故時議以此多邈 又曰南齊紀僧真武帝時為中書
舍人僧真容貌言吐雅有士風帝嘗目送之笑曰人生

何必計門戶紀僧真嘗貴人所不及齊書曰明帝踐

阼引傅昭為中書舍人時居此職者皆權傾天下昭獨

廉靜無所干預器服率略身安麤糲常插燭版牀明帝

聞之賜漆合燭盤敕曰卿有古人之風故賜卿古人之

物南史曰顧協為舍人在省十六載器服食飲不改

於常有門生始來事協知其廉潔不敢厚餉止送錢二

千協發怒杖二十因此事者絕於餽遺冊府元龜曰

陳劉師知善儀禮臺閣故事多所詳悉高祖入輔以師

知為中書舍人掌詔誥 北史曰魏收兼中書舍人與

溫子昇邢子才齊譽世號三才 北齊書曰荀士遜世

祖時為中書舍人狀貌甚醜以文辭見用曾有事須奏
值世祖在後庭因左右傳通者不得士遜姓名乃云醜
舍人世祖曰必士遜也看封題果是內人莫不忻笑

冊府元龜曰顏之推武成時為中書舍人帝時有取索
嘗令中使傳旨之推稟承宣告館中皆受進止所進文
章皆是其封署於進賢門奏之待報方出兼善於文字

監較繕寫處事勤敏號為稱職 隋書曰虞世南拜內

史舍人煬帝即位顧遇彌隆祕書柳顧言博學有才罕
所推許至是與世南相見歎曰海內當共推一人非吾
儕所及也 唐書曰顏師古遷中書舍人專掌機密於

時軍國多務凡有制誥皆成其手師古達於政理冊奏
之工時無及者 又曰楊炎為中書舍人與常袞並掌
綸誥袞長於制書炎善為德音開元以來言詔制之美
者號楊常焉 又曰王徽曾祖擇從兄易從天后

朝登進士第從弟朋從言從睿宗朝並以進士擢第昆仲四人開元中三至鳳閣舍人故時號鳳閣王家又曰齊澣開元中遷中書舍人論駁書詔潤色王言皆以古儀謨誥為準的侍中宋璟中書侍郎蘇頌並重之

又曰薛元超道衡孫也為中書舍人中書省有一磐石初道衡為內史侍郎嘗踞而草制元超每見此石未嘗不泣然流涕又曰賈曾授中書舍人曾以父名忠固辭乃拜諫議大夫至開元初復拜中書舍人又固辭議

者以為中書是曹司名又與曾父音同字別於禮無嫌
乃就職與蘇晉同掌制誥皆以詞學見知時稱蘇賈

又曰許景先轉中書舍人中書令張說稱曰許舍人之
文雖無峻峰激流漸絕之勢然屬詞豐美得中和之氣
實一時之秀也 冊府元龜曰徐浩天寶末為中書舍

人傳位誥冊皆浩為之參掌兩宮文翰寵遇罕比 又

曰張說為鳳閣舍人歷黃門中書侍郎弘文館集賢院
學士掌文翰之任凡三十年

說子均均俱能文說在中
書均均兄弟並掌綸翰之

任

又曰張九齡為司勳員外郎時中書令張說與九齡同姓敘為昭穆尤親重之常謂人曰後來詞人稱首也俄拜中書舍人唐書曰邨高卿為中書舍人處事不同為宰相元載所忌魚朝恩署牙將李琮為兩街功德使琮暴橫於銀臺門毀辱京兆尹崔昭高卿立詣元載抗論以為國恥請速論奏載不從高卿遂以疾辭居東洛凡十年自號伊川田父清名高節稱於天下又曰高郢掌誥累年家無制草或曰人皆留制集公焚之

何也曰王言不可存私家時人重其慎密 冊府元龜

曰陸贄為中書舍人母卒持喪於河南豐樂佛寺四方以賻贈為詞厚致金帛贄絲毫無所受惟與劔南節度使韋臯布衣友善臯以事奏聞每有所致輒稱詔以受之 又曰韋處厚為中書舍人時穆宗以幼主荒怠不親政務既居納誨之地宜有以啓道性靈乃詮擇經義雅言以類相從為二十卷謂之六經法言獻之 又穆宗詔曰中書舍人故事分押六司佐宰臣判按廢革日

久頓復稍難宜漸令條舉有須慎重者便令叅議如闕

機密者且如舊

唐書曰路隨敬宗初登極拜中書舍

人有以金帛謝除制者必叱而却之曰吾以公事接私

財耶終無所納

冊府元龜曰高鉞為中書舍人因諫

敬宗以求理莫若躬親用示憂勤之旨帝深納其言賜

綵五十匹

唐書曰封敖為學士拜中書舍人敖構思

敏速語近而理勝不務竒澀武宗深重之嘗草賜陣傷

邊將詔警句云傷居爾體痛在朕躬帝覽而善之賜之

宮錦 又曰崔郾轉中書舍人入思政殿謝恩郾奏曰

陛下用臣為侍講卒歲有餘未嘗問臣經義實慙尸素

有媿厚恩帝曰俟朕機務稍閒即當請益高鉞曰陛下

意雖樂善既未延接儒生天下之人寧知重道帝深引

咎賜之錦綵 五代晉史曰陳義長興中自舍人銜命

冊公主於太原

公主即
帝后也

帝深待之但訝其高岸人或有

獻言於義宜陳一謳頌以稱帝之美可邀其異待者義

曰人生貧富咸有定分未有持天子命違禮以求利既

損國綱且虧士行義今生所不為也聞者無不嘉之

又曰天福五年詔曰六典云中書舍人掌侍奉進奏參
議表章凡詔旨制敕璽書策命皆按故事起草進畫既
下則署而行之古昔以來典實斯在爰從近代別創新
名今運屬興王事從師古俾仍舊貫以輝前規其翰林
學士院公事宜並歸中書舍人 五代漢史曰唐李昭
以尚書郎出為蘇州刺史暮歲以中書舍人召還不拜
謂宰輔曰省郎拜舍人以知制誥為次序便由刺史有

玷綸闈非敢聞命乃以兵部郎中知制誥翌歲拜舍人

受之 五代周史曰王延為中書舍人權知貢舉有崔

頎者協之子也來應進士延將入貢院舊相盧文紀素

與協不睦謂延曰舍人以謹厚聞於時當求實才以副

公望慎毋以名下取士也延退而嗤曰盧公之言為崔

頎也縱與其父不悅何至此耶卒以頎登甲科其仁而

徇公胥此類 冊府元龜曰後周申文炳太祖廣順初

為中書舍人為文典雅有訓誥之風 合璧事類曰宋

舊制執政除罷皆宣麻呂惠公弼因爭新法求去王安
石陰沮之乃使舍人院命詞蔡齊掌外制繳詞頭舉典
故論之安石勸上內批今後樞密罷更不宣麻 新書
樓攻媿集曰林大中遷中書舍人風裁如臺中時韓侂
胄來見大中接之無他語使人通問因願納交又笑却
之彭龜年抗論侂胄甚切有旨龜年除職與郡大中在
西掖樓鑰在瑣闥連名上疏又同繳奏 言行錄曰曾
肇元祐初遷中書舍人門下侍郎韓維面奏范百祿所

為不正黜維知鄧州公不草制兩上章論之 周益公

集曰洪适除中書舍人內直如故方羽檄交馳書詔填
委或夜召或細札咨訪适獨當內外制時時奉詔言事
如乞防虞海道降詔親征多契聖心大用之意已定

朝野雜記曰宋時年未三十知制誥者蘇易簡二十六
吳元中二十七晏元獻宋宣獻王懿恪張安國皆二十
八王文正夏文莊二十 會要曰元豐七年詔起居郎
楊景略左司郎中錢勰並為中書舍人免試二人奉使

高麗方還在道並擢之 又曰元祐元年起居舍人蘇軾擢為中書舍人直龍圖閣劉攽為中書舍人並免試春明退朝錄曰父子掌誥宋初至熙寧元年凡九家李文正王文正王安簡鼂文元錢希白梁莊肅呂中裕宋敏求蘇儀甫

中書舍人三

原忠慎

儒素

晉中興書曰劉超字世踰遷中書舍人時臺省初建內外多事超出納書命以

忠慎稱理身清苦衣不重帛 又曰徐邈字景山以東州儒素性好學尤善經傳烈宗始覽典籍招延禮樂之

士後將軍謝安舉選應選補中書舍人專在西省撰正
五經音訓學者宗之每預顧問輒有獻替多所補益烈
宗甚愛之
增四禁七制
上詳舍人一
晏殊類要唐制
故事王言之制有七冊書制書

慰勞制書發日敕敕
牒敕旨論事敕書

蘇賈

常楊

並詳舍人二

西臺

右垣

新書除蘇轍制位處西臺實與
政事除岐公制右垣裁訓

韓徐

楊陳

職官

分紀李昇開國徐鉉以秘書郎直門下省書命精當頗
得典禮韓熙載亦同掌誥命與鉉齊名江東謂之韓徐

彙苑陳從易知制誥與楊

斲窗

閉戶

職林楊滔為中書舍

大雅同在西掖時謂之楊陳

人時催作制敕令史持庫鑰出無本可檢乃斲窗得本
時號斲窗舍人翰苑新書至道中和蒙知制誥蒙之

直中書每草詔必閉戶精思徧討羣籍而後成沙洲表
求經藏碑詔蒙換以賜之蒙遣廨借佛書數千卷人傳

以為笑

薇省

松窗

並見後詩

原預顧問

多補益

並詳上儒

素注

出書命

善經傳

上詳忠慎注下詳儒素注

掌文法

主呈

奏

荀勗集曰晉武帝時門下啓令史伊羨趙咸為中書舍人對掌文法勗奏以為不可下詳舍人一

合二職

由四戶

上詳通典蕭景暢齊書云永明元年熒惑入紫微時中書通事舍人四

人各注一戶謂之四戶既總重權勢傾天下會元象失度太史奏云宜修福禳之太尉王儉謂帝曰天文乖忤此由四戶仍具舍人王文明等名奏之至梁除通事二字直曰中書舍人掌文翰猶兼呈奏

增上

五事

發十難

本傳高馮為中書舍人列上五事本傳唐韋處厚穆宗時為中書舍人時張

平叔以便佞取容欲羅鹽處厚發十難以詰之帝乃知害民平叔始疎斥

垂訓誥

掌絲

綸

元稹除中書舍人制能芟繁詞刻弊句使吾文章言語與三代同風引之而為綸綺垂之而為訓誥秉筆

者莫敢爭能

下見後詩

白玉堂

青鎖闥

元和風

宰相器

九國志南唐韓熙載為和州司馬久之召為中書舍人乃始親職制誥典雅有元和之風下詳皆合機宜注

原廻翔青瑣

典掌紫泥

以紫泥封誥書

咨爾才華

掌

茲綸誥

啓迪厥命

潤色帝謨

出納絲綸

發揮

訓誥

書夙夜出納朕命唯允

親奉聖旨

職司王言

職在禁

闡

典茲樞密

徐邈文儒

劉超忠慎

帖白

增為代

言最

有應猝長

職林唐孫逖典詔誥為代言最而逖尤精密張九齡視其草欲易一字卒

不能也

本傳常袞文采

一人辦事

兩省獨直

唐會

雅瞻長於應猝譽重一時

要孫處約為中書舍人累年中令杜正倫奏請更授一

舍人與處約同知制誥高宗曰處約一人足辦我事何

須多也本傳權德輿字載之為起居舍人歲中

兼知制誥進中書舍人獨直兩省數日一還舍

五

花判事

六押分司

通鑑唐故事中有軍國政事則中書舍人各執所見雜署其名謂

之五花判事中選一人明練者知機密謂之解事舍

人本傳李泌曰給舍分司押事故舍人謂之六押

出納書命

潤色訓誥

上詳初學記宗除喪度中書舍人制

屢獻

讜言

當納諫諍

本傳燕晉先天中為中書舍人屢獻讜言天子嘉允

中書舍人充翰林書詔學士文宗便殿語及漢文恭儉

帝舉袂曰此衣澣濯者三矣公權曰人主當進賢退不

肖納諫諍明賞罰衣
澣濯之衣乃小節耳

敷奏機辨

居官鯁正

本傳馬周字賓

王為中書舍人善敷奏機辨明銳動中事會時譽歸之
岑文本曰吾見周論事多矣一字不可加一言不可減

本傳宋璟為中

特報藥石

面賜金紫

上詳杜氏通典注

書舍人居官鯁正

續通典吐突承璀於軍中立聖政碑李絳以為不可許

憲宗初甚怒絳語不已上卒大開悟除絳中書舍人翌

日又面賜絳紫衣金魚上親為絳

擇良笏勉之曰爾時無易此心

一家書命

三世

掌制

唐大詔令楊嗣復除中書制貞元中汝父為中書舍人甚稱厥職今使汝繼書吾命成一家言堂構

國華在於此舉

職林唐李德

父子繼美

兄弟相

林李百藥李安期三世掌制誥

代

職林唐賈至天寶末為中書舍人肅宗即位於靈武上皇遣至為傳位冊文上皇覽之歎曰昔先帝遜位

於朕冊文則卿之先父所為今朕以神器大寶付儲君卿又當演誥累朝盛典出卿父子之手可謂繼美矣本傳韋思謙二子承慶嗣立承慶解鳳閣舍人武后謂嗣立曰爾父嘗稱二子忠孝今使卿兄弟自相代即拜鳳閣舍人推高綸省式光禁職又為學士制綸省推高

白居易集崔羣舍人制自列內朝兼司誥命事煩而益密職久而彌精寵以正名式光禁職

鳳藻

騰文

龍池揮翰

文粹張鷟奏自可曳裾紫禁伏奏青規助朝廷之光輝贊明時之喉舌芝

泥發彩宣鳳藻而騰文蘭檢浮香潤龍縑而動色注內禁地以青規畫故曰青規漢儀天子制誥以紫芝為泥以封又蘭英為檢紫芝為泥黃縑為制敕也陳拾遺集為陳舍人遜官表司言鳳紵揮翰龍池

鷄

木深嚴

龍縑潤動

文粹張鷟奏鳳池清切雞木深嚴下見前鳳藻騰文注

回

五字妙 鼓三變文

表休制詞云綸閣回五字之妙五字謂中書舍人也 李吉甫制詞

鼓三變之文

潤色王度

十年正任 一月遂罷

職官分紀張洎計偕之歲為潤

帥燕王冀所薦首謁韓熙載一見待之如故舊謂洎曰
子好一中書舍人頃之韓主文柄洎亦擢第不十年間
果正綸閣之任 長編真宗祥符九年知制誥樂黃目
知開封初黃目召試上以黃目久任外官止試制誥二
篇入西閣不 一佛出世 三人及第 國史太宗嘗云
一月遂罷

人六親相賀諺云一佛出世

分紀孫抃夜中夢

閣

明窗下草制詔其後第三人及第知制誥如夢云

長壓角 給事等服

文獻通考云舍人院每知制誥上事設紫褥於庭面北拜廳閣長立

褥之東北方謂之壓角長宗袞作掖垣叢誌而不解其
事按唐舊書亦無聞焉唯裴廷裕正陵遺事云舍人上

事知印宰相當歷角則其禮相傳至唐也 四朝國史
霍端友徽宗時為中書舍人服金紫故事唯服黑角帶
帝顧見之曰給事舍人等耳而
服飾相絕如是始命犀帶佩魚
失却君房 見稱若

水

湘山野錄真廟時日本國入貢求本國神光寺記舍
人辭不工令學士張君房代之張退食多潛飲市樓

掖垣求之不得大窘時种放以司諫歸華山楊大年為
閒忙令云世上何人最號閒司諫拂衣歸華山世上何
人最號忙紫微失却張君房 分紀王旦拜右正言知
制誥父祐以清名久掌書命不十年旦繼其任時論美
之錢若水有人倫鑒與之同列每曰王
君凌霄聳壑梁棟之材非吾所及也
經宿進碑

盡午授草

事略國朝初王祐拜中舍史館受詔撰普照
王碑經宿上進中外驚其神速 合璧事類

云曾鞏擢中書舍人屬新官制遂掌書命於是更置百
官舊舍人無在者已試即入院方除目填委占紙肆書

初若不經意午漏盡授草院吏上馬去凡除郎御史數十人所以本法意原職守而為之訓敕者人人不同咸有新趣而行裕雅重自成一家

聯飛仙掖

對草帝綸

並見後詩

紫機

務重香紙任隆

芝泥發彩

蘭檢浮香

下筆輒

成揮翰如飛

韋承慶陸宸

長於制書

善為德音

並詳舍人

二

論駁書詔

潤色王言

一時之秀

三代之風

許景先詳舍人二言行錄曾鞏擢中書舍人不俟入謝諭使就職時自三省至百執事選授一新除吏日至數十人舉其職事以戒辭約義正論者謂有三代之風上亦數稱其典雅

動中事會皆

合機宜

詳敷奏機辨注

事文類聚云後周范質漢初加中書舍人周祖征三叛每朝廷遣使齎詔處

分軍事皆合機宜周祖問誰為此詞
使者以質對周祖歎曰宰相器也

紫微閣下 紅

藥階前 黃閣登賢 紫微寓直 藥省代言 楓宸

錫命 寵被龍綸 擢升鳳掖 趨翔文陛 陪扈屬

車 原當昭明之朝 居清切之地 當若日之朝

掌如綸之詔

王言如絲其出如綸並白帖

增抑中人進官 繳內

侍升職

行狀胡銓兼中書舍人有旨以中人李緯等嘗典發軍書無誤各進官一列公不奉詔緯等泣

訴上曰胡銓不肯行狀陳傅良字君舉除中書舍人封還詞頭遇事輒發張子仁建節陳源除內侍省押班

率逢原升都統源供職自如而詞命不行終不得俸逢原先被宣劄已自書銜公執奏再三終不奉詔此二事

無敢嬰其鋒者傳良神色不動
來則繳奏旁觀者為之寒心

熙寧三舍人 元豐

二奉使

國史本傳李定除御史宋敏求蘇頌相繼封還
詞命至呂大臨亦還之世稱為熙寧三舍人

下見舍人二

裁五色之詔

序兩省之班

新書

封還邊帥

詞頭

不草宦者除制

會要王巖叟除中書舍人滕元發自太原易許昌巖叟封還詞

頭言今以走馬承受一言便易詞頭此風寢長非委任
安邊之福命遂寢又云劉敞知制誥宦者石全彬正
除觀察使敞封還詞頭不草制其命遂止

分曹一直於紫微

聯步亟趨

於丹陛

北門視草謂當進學士之班

西掖拜真聊

復示舍人之樣

俱新書

中書舍人四

增文敏

分紀前蜀庾楷進中書舍人時署百司誥命填委皆有典則人服其敏

文速

職林

梁襄子野掌誥或問其為文速者子

中舍相待

舊唐書曰

野荅曰人皆成於手我獨成於心

貞觀初高麗百濟同伐新羅連兵數年不解新羅遣使告急乃假朱子奢員外散騎侍郎充使太宗謂曰海夷

頗重學問卿為大國使必勿藉其束脩

分口占授

職林

為之講說使還稱旨當以中舍相待

岑文本善職而敏速或策令叢遽敕吏六七人泚筆分口占授咸無遺意

不見便思

舊唐書曰

馬周轉中書舍人周有機辨能敷奏深識事端動無不中太宗嘗曰我於馬周暫不見則便思之

上

清暑賦

職林崔仁師太宗時幸翠微宮上清暑賦以諷帝賜帛五十段

給食政事堂

百官志曰以久次者一人為閣老判本省雜事又一人知制誥顏頤進畫給食於政事堂其餘分署制敕

一朝大手

唐大詔令武德及開元中有顏侍郎陳叔達蘇頌云大手筆掌書王命故一朝言語煥然

文陣雄帥

本傳唐蘇頌工文辭九齡嘗覽頌文卷謂同列曰蘇生之俊贍無敵真文陣之

雄帥也

不裁一言

天中記曰則天嘗引中書舍人陸餘慶入草誥餘慶回惑至晚竟不能裁

一言由是轉左司郎中

文場元帥

本傳張九齡號詞人之冠又號文場元帥

文章

宿老

本傳唐李嶠字巨山為鳳閣舍人文冊大號令多主為之嶠富才思其仕前與王勃楊盈川接中與

崔融蘇味道齊名晚諸人歿而為文章宿老一時學者取法焉

三世掌書

合辟事類曰唐張嘉

貞武后時進中書舍人崔湜輕之後與議事正出其上湜驚曰此終其坐後十年而為中書令子延賞延賞子

弘靖三世掌書命又唐徐堅祖孝德父齊聘及堅三世為中書舍人皇朝衣冠無以為比又徐嶠父子自祖及孫三世為

中書舍人

舍人樣

職林徐堅聖歷中楊再思王方慶為東都留守引堅為判官表奏專

委之方慶嘗稱曰掌綸誥之選也再思曰此鳳閣舍人樣

王言之最

天中記曰孫

四年拜中書舍人制敕所出為時流歎服議者以為自開元以來蘇頲齊澣蘇晉賈曾許景先及遜為王言之

最

虛有其表

明皇雜錄曰蕭嵩開元初為中書舍人帝拜蘇頲為相命嵩草制不工帝欲換

之不欲斥言因制中云國之瓊寶乃指瓊字曰不可斥其父名宜易之嵩不悟但改瓊為珍帝見擲地曰虛有其表以嵩

問古今事

本傳崔琳明政事開元中與高仲舒同為中書舍人侍中宋璟

魁偉多額

親禮之每所訪逮嘗曰古事問仲舒今事問琳

思若湧泉

本傳蘇廷碩為中書舍人時父瓊同

中書門下三品父子同在禁苑朝廷榮之明皇平內難
書詔填委獨廷碩在太極後閣口所占授功狀百緒輕
重無差書吏白曰句公徐之不然
手腕脫矣李嶠曰舍人思若湧泉
洛出寶圖頌翰苑新書

曰崔融進鳳閣舍人融為文華婉當時未有輩
者朝廷大手筆多敕委之其洛出寶圖頌尤工

雖大

詔令未嘗著橐

孔帖曰韋承慶累遷鳳閣舍人掌天官
選屬文敏無留思雖大詔令未嘗著橐

政事堂門

續通典曰故事政事堂有門蓋宰相時適
中書舍入院咨訪政事以自廣也及常袞

相塞絕其門以示

不復坼六曹之奏

孔帖曰肅宗即位以他官知中

尊大不相往來

書舍人事兵興急於權便故去臺閣淺遣

文詞贍給

顯出宰相自是舍人不復坼六曹之奏

職官分紀唐徐浩肅宗時拜中書舍人時天下事殷詔
令多出於浩浩屬詞贍給又工楷隸肅宗悅其能加兼

尚書右丞明皇傳位誥冊皆浩為之參掌兩宮文翰寵遇莫比

求降外官增父秩

帖孔

曰孫逖遷中書舍人是時父嘉之且八十猶為令逖求降外官增父秩帝嘉納拜嘉之宋州司馬聽致仕

文思溫雅

職官分紀唐王仲舒自職方郎中知制誥文思溫雅制誥所出人皆傳寫

文有

古風

行狀王仲舒穆宗立每言仲舒之文可喜最宜為誥有古風召為舍人既至視同列率新進少年居

不樂曰豈可復置

閣老

本傳唐楊綰為中書舍人故事舍人年久者為閣老其公

筆研於其間哉
廨雜料獨取五之四至綰悉均給之

人物精鑒

本傳裴垕為中書舍人李吉甫執政以情謂垕

曰此日人物吾惜不及知君精鑒為我

罷統軍用麻

言之垕即疏三十許人吉甫薦於朝
孔帖曰鄭綱德宗自興元邊置六軍都統視六尚書以處功臣實文場侍功陰諷宰相進擬如統軍比綱當制

奏言天子封建或用宰相以白麻書制付中書門下今以命中尉不識陛下特以寵文場耶遂著於令也帝悟更命中書作詔并罷統軍用麻

叔姪對掌

翰苑新書曰封氏自太和世居兩制舜卿從子德昭

時為翰林舜卿時為中舍叔姪對掌詔命當時以為榮

以諫議知制誥

分紀柳公權為

中書舍人文宗謂之曰極知舍人不合作諫議以卿言事有諍臣風采也翌日降制以諫議大夫知制誥

與三代同風

孔帖元稹沈傳師授中書舍人制煥有文章務為詞誥使吾禁中無漏露之患而朕

語言與三代同風勤亦至矣

詔令嚴促皆又草定

孔帖曰李又遷中書舍人韋氏

之變詔令嚴促皆又草定

文字首選

天中記曰白居易穆宗時為中書舍人凡朝廷文字之職

無不首居其選

平處可否

孔帖曰會昌末宰相李德裕建議臺閣常務州縣請奏復以舍人平

處可

否

同舍服能

合辟事類曰陸底拜中書舍人文思敏速初無思慮揮翰如飛文理俱便

同舍服

同僚共推

合辟事類曰鄭畋為中書舍人咸通十年討徐方書詔旁午畋灑翰

其能

泉湧動無滯思

著三足記

職林唐盧景亮嘗謂人君足食足兵而又得士天下

同僚閣筆推之

可為也乃自軒轅以來至唐

掇治道之要著書名三足記

賜不分遺

周史曰鍾允章授中書舍

人性吝嗇歲獲賜賚甚厚然未嘗分遺故人其妻牢氏

有賢行嘗語允章曰妾昔事君子家無釜鬻尚且接待

朋友今寶貨盈室而義路榛塞

賜宴和詩

職官分紀太宗留心

雖富且貴何足尚也允章大慙

儒術旌賞文翰時綸閣之士始賜赴曲

宴或令和詩舍人從遊宴自此始也

出領外藩

四朝

會要雍熙四年以右補闕知制誥范景為工部

郎中知京兆府知制誥出領外藩自是始也

親篆

綰閣

仁宗實錄寶元元年七月新作舍人閣上親篆其綰曰紫微閣又劉攽傳云攽字貢父元祐中拜

中書舍人請復古制

外制

彙苑曰外制深嚴西垣清要

宰相判

建紫微閣於西省

官

翰苑新書曰曾肇為中書舍人王巖叟言肇凡材何以稱職呂陶亦言中書舍人前世推重為宰相判官

豈可

文章獨步

言行錄王禹偁能屬文太宗方獎拔文士召拜右拾遺禹偁上端拱箴以

序遷

為誠尋知制誥上嘗稱之曰

不試而命

歐陽公歸田錄國朝之制

王禹偁文章當今天下獨步

必先試而後命有國以來不試而命者

專裁寬大之

纔三人楊億陳堯佐及修泰其一爾

詔

合辟事類楊億云三殿內朝日趨翔於文陛六飛法從時陪扈於屬車常瞻咫尺之光專裁寬大之詔

七字舍人

四朝國史呂溱開敏善議論一時名輩推許然喜自貴重見賓客不及數言時號七

字舍人

有試不除

石林燕語執事官差除皆除目先下
惟中書舍人宰相得旨朝退遣直省

官召詣都堂面傳旨召試被命者致辭丞相謝之直省
官徑引入中書省前期侍郎廳設幕次几案於中就坐
少頃本省吏房主首持丞相封題目來即就試中書具
食罷侍郎致茶果是日宰相住省俟納卷始上馬翌日
進呈除目方下蓋召試之制也有思遲不即就者往往
過期或為留內門然已不稱職矣嘉祐間有試而不除
改天章閣

待制者

獻皇極箴

職官分紀治平元年知制誥
祖無擇獻皇極箴賜詔獎之

立馬一揮

神宗實錄劉敞字原父在西掖時一日追封
皇子公主九人敞將下直為之立馬却坐一

揮九制數
千言已就

賜燭歸院

國史夕時神宗召知制誥鄭毅
夫解對內東門小殿命草吳奎

知青州張方平參知政事制賜雙燭送歸舍人
院二府無知者明日具進草遂付中書出誥

制誥

有西漢風

新書王珪知制誥其文典麗有西漢風

有元白風

新書謝絳字希深權

知制誥文章典雅有元白風

訓誥程範

新書宋敏求知制誥訓詞誥命皆有程範

詔

詞激烈

新書朱晦菴集劉珙兼中書舍人會金人渝盟天子悉師北向以雪讐恥復疆土一時詔檄多

出珙手詞氣激烈

參典王命

曲阜除制參典王命之官於今號為清選

首聞萬幾之微

初寮行張叔夜制內史列屬西省首聞萬幾之微先朝董正治官始備六負之

目

後省振職

盤州老人小傳洪适為翰林學士仍兼中書舍人輔臣奏自來無翰苑下兼西

掖者上曰洪适在後省甚振職且要其整頓綱紀故事給舍繳駁施行者皆封付三省秦頊提舉太平宮适奏秦檜欺天盜權戕害忠直當錮其子孫即時御筆依奏乃封付适明日召對上曰所論甚當異日有繳奏只批

敕進來不須聯章

內史未行而議

除蘇轍制政令之出公卿為朕行之臺諫為朕言之

方其未行內史舍人得聞其意與其

始除僉樞

朝野雜記

既行而後言孰若未行而議之哉

中書故事小兩制未有除執政者乾道二年

稱三字

蔣子禮芾始自中書舍人除僉書樞密院事

陳后山詩曰一官早要稱

三字三字謂知制誥也

中書舍人五

增詩梁范雲贈王中書融古意詩曰攝官青鎖闥遙望鳳皇池誰云相去遠脈脈阻光儀岱山饒靈異沂水富英奇逸翮凌北海搏飛出南皮遭逢聖明后來棲桐樹

枝竹花何莫莫桐葉何離離可棲復可食此外亦何為
豈知鷦鷯者一粒有餘貲原唐上官儀酬薛舍人萬
年宮晚景寓直懷友詩曰奕奕九成臺窈窕絕塵埃蒼
蒼萬年樹玲瓏下冥霧池色搖晚空巖光斂餘煦清切
丹禁靜浩蕩交河注留連窮勝託風期揆善謔東望安
仁省西臨子雲閣長嘯披煙霞高步尋蘭若金秋掩通
門雕鞍歸騎喧燕姝對明月荆艷促芳尊別有青山路
策杖訪王孫張文琮和楊舍人詠中書省花樹詩曰

華萼映芳叢參差間早紅因風時落砌雜雨乍浮空影
照鳳池水香飄雞樹風豈不愛攀折希君懷袖中 徐

彥伯贈劉舍人古意詩曰女牀閔靈鳥文章世所希巢
君碧梧樹舞君青鎖闥或言鳳池樂撫翼更西飛鳳池
環禁林仙閣靄沈沈璇題激流日珠綴絛清陰郁穆絲
言重熒皇台座深風張丹旆翮月弄素琴音雙彩結不
散孤英跂莫尋浩歌在西省經傳恣潛心 增古詩曰
紫泥初熟詔書成紅藥翻階晝影清屋瓦生煙宮漏永

時聞幽鳥自呼名 又上李舍人西掖詩曰西掖深沈

大帝居紫微西省掌文書天閣啓鑰趨朝後侍史焚香

起草初 又簡同省三舍人曰太微西掖鳳池邊西閣

凌空為起煙彩筆時批尺一詔直廬深在九重天 又

和宗人賀曰分班曉入翔鸞掖直閣旁連浴鳳池彩筆

間批五色詔好風時動萬年枝 又賀李舍人曰拜命

大西垣偏承聖主恩黃扉陪漢相彩筆代堯言 唐徐

彥伯同韋舍人早朝詩曰夕轉清壺漏晨趨長樂鐘逶

迤綸禁客假寐守銅龍 鄭愔同韋舍人早朝詩曰瑞

闕龍居峻宸庭鳳掖深才良寄天綽趨拜侶朝簪 沈

佺期同韋舍人早朝詩曰一經傳舊德五字擢英才儼

若神仙去紛從霄漢迴 賈至早朝大明宮呈兩省僚

友詩曰劒佩聲隨玉墀步衣冠身惹御爐香共沐恩波

鳳池上朝朝染翰侍君王 杜甫和賈舍人詩曰朝罷

香煙攜滿袖詩成珠玉在揮毫欲知世掌絲綸美池上

於今有鳳毛 沈東美奉和范舍人宿直曉翫新池詩

曰傳聞閭闔裏寓直有神仙史為三墳博郎因五字遷

晨臨翔鳳沼春注躍龍泉去似登天上來如看鏡前影

搖宸翰發波淨列星懸既濟仍懷友流謙欲進賢彈冠

聲實貴覆被渥恩偏溫室言雖阻文場契獨全玉珂光

赫奕朱紱氣蟬聯興逸安仁賦名高謝朓篇青雲仰不

逮白雪和難牽苒苒胡為此甘心老歲年 白居易詩

曰絲綸閣下文章靜鐘鼓樓中刻漏長獨坐黃昏誰是

伴紫微花對紫微郎 褚朝陽奉上徐中書詩曰中禁

仙池越鳳皇池邊詞客紫微郎既能作頌雄風起何不
時吹蘭蕙香王建詩曰綠松窗對鳳池開履迹衣香
徧上台天意皆從彩毫出宸心盡向紫煙來非時玉案
呈宣旨每日金階謝賜回錢起同程九早入中書詩
曰臘雪初明百子殿春光欲上萬年枝獨慙皇鑒明如
日未厭春光向玉墀韋應物寄中書劉舍人詩曰雲
霄路竟別中年跡暫同比翼超丹陛連騎下南宮佳詠
邀清月幽賞滯芳叢迨予一出守與子限西東晨露方

蒼蒼離抱更沖沖忽睹九天詔秉綸歸國工玉座浮香
氣秋禁散涼風應向橫門度環珮杳玲瓏光輝恨未矚
歸思坐難通蒼蒼松桂姿想在掖垣中皇甫曾奉寄

中書王舍人詩曰腰金載筆謁承明至道安禪得此生
西掖幾年綸綍貴東山遙夜薜蘿情風傳刻漏星河曙
月上梧桐雨露清聖主好文誰為薦閉門空賦子虛成
溫庭筠西掖謁所知詩曰赤墀高閣自從容玉女窗
扉報曙鐘日麗九門青瑣闥雨晴雙闕翠微峰毫端蕙

露滋仙草琴上熏風入禁松筠令鳳池春晚晚好將餘

潤變魚龍

鄭谷獻制誥楊舍人詩曰為郡東吳祇飲

冰瑣闥須降鳳書徵隨行已有朱衣吏伴直多招紫閣

僧

吳融薛舍人見徵恩賜香餅二十八字同寄詩曰

往歲知君侍武皇今來何用紫羅囊都緣有意重熏裊

更灑江毫上玉皇

李中獻中書張舍人詩曰持憲威

聲振司言品秩清簾開春酒醒月上草麻成丹陸凌晨

對青雲逐步生照人裴玉瑩鑒物憲波明下直無他事

閒遊恣逸情 羅隱鄭州獻盧舍人詩曰海槎閒暇閨

風輕不是安流不肯行鷄省露濃湯餅熟鳳池煙暖詔

書成 宋楊億李舍人獨直詩曰閣鳳巢高拂綵霓玉

芝香雜武都泥十行漢札如絲出六幕堯天倚杵低露

井冰銷垂素綆仙莖日轉射璇題赫䟽雲落知誰見餘

力何妨頌碧鷄 王安石題中書院壁詩曰夜開金鑰

詔詞臣對御抽毫草聖恩須信國家重儒術一時同牘

用三人 劉筠李舍人獨直詩曰卿霑重重覆辟門獨

揮鴻筆坐西垣誠明自有中和氣潤色還多郁穆言內
苑朱櫻和酪賜前階紅藥任風翻紫絲新履回翔地應
笑東方避世喧

增制唐蘇頲行齊澣紫微舍人制曰運心孤邁懷器獨
立屬詞每窮其雅實臨事益表其甄明故能早負聲猷
備經推擇左曹駁議常接於雙遊右掖詞言佇光於五
字白居易行鄭涵中書舍人制曰藻履堅明雄文炳
蔚虛懷宏達雅思沖深立言嘗見其著誠秉志頗聞其

經遠夫澄其源者必清其流端其本者必正其末其便

蕃禁掖潤色王猷君不可以私其人臣不可以虛其受

簡才既困於朕志當官爰俟於爾能其有嘉聞以光茂

選 崔嘏行李訥中書舍人制曰彰施帝載潤色王猷

朝出九重夕馳四表必資其金相玉立之器懷其騰蛟

吐鳳之才以發揮人文流布天澤 又行裴諗中書舍

人制曰居禁密之地聞善則遷當演綸之工有勞斯陟

此所以光吾侍從榮彼搢紳裴諗閒澹自居囂浮不染

自擢居內署掌茲制命謹密無曠馨香有聞問對備見
其一心敏捷共推其七步爰因滿歲授以正名爾宜思
弘用以致君勵精誠而正己慎爾聞見奉吾周旋 劉

崇望行翰林學士鄭延昌守本官兼中書舍人制曰彰
纓著稱夢筆為文富以美才披其禁闥典由中之詔成
布下之言方謂得人雅當入侍蓋聞羊祜議謀是草皆
焚周仁厚重其言不泄親近之地慎密為先西省亦吾
教誥之地戒之可矣 薛廷珪授膳部郎中知制誥錢

翊守中書舍人制曰爾掌綸誥時推得人觀其書詞夔
絕塵滓褒貶盡春秋之要旨指歸洩訓誥之源流傳聞
四方平視三代而秉守甚正韜藏有程介然獨行卓爾
清峙閱爾之能事多矣聆爾之嘉猷藹然俾即真秩斯
為舊章

增啓洪平齋賀中書曾禮侍啓曰晉貳春官仍躋內史
紫荷挈處光搖萬玉之班紅藥翻時風動五花之判有
國所重斯文之榮某官鼂董聲名伊臯事業天子期以

壯行之未艾國人恨其大用之猶遲方聞批敕尾之風
又見還詞頭之舉新人文之制作妙儲德之調成況紫
微閣下之黃昏正瑞柳庭前之春色命自天而三錫材
與地以雙清 楊誠齋賀黃祕監除中書舍人啓曰中
宸渙號內史升賢三神在海上之山久勤攝領一佛出
人間之世遂見真除綸綍有光紳綏胥慶某官材猷膚
碩學術醇深探周情孔思之微淵源千載發宋艷班香
之祕膾炙四方親結龍宸之知聿新鳳閣之樣辭達而

已矣要必見聖人之情才難不其然蓋欲極天下之選
得君為重緯國以文好對紫微草尺書而招贊普却登
黃閣提寸筆以福蒼生

增書歐陽修回鄭錢二舍人書曰顯奉制恩陞華禁掖
誕膺聖選式協輿談朝廷之體深嚴王者之居淵默德
澤宣布必使入人心之深號令發揮而能鼓天下之動
惟是代言之任實資博古之英某官履行敦方材猷敏
茂藹一鄉之佳譽掩衆俊以名科通達古今固已優游

於儒學出入符從是宜顧問於清閒果被僉俞兼司典
訓竦萬方之視聽追三代之文章遂陞榮塗益奮賢業
共慶得人之盛方深竊忤之私

增墓碑張說西臺舍人贈泗州刺史徐齊聃碑詞曰王
言惟令中禁是司帝嘉文父曰汝宜之終溫且惠習禮
明詩長裾入侍大筆修辭鴻業潤色元黻緝熙昊天大
戾君子明彞蒼梧起手涅而不緇中興受命逝者無追
靈符泗水崇贈先師髣象精魄丕承聖期教延子貴榮

躋父慈學嗣三葉才俱一時春秋孝念霜露深思後之
視昔斯文在茲

主書

原杜氏通典曰晉中書有主書之員本用武官宋改用
文史齊於中書置主書令史陳置主書而去令史之名
後魏又為主書令史置八人北齊置主書十八人北齊初曰
主書令史文宣帝嘗立遣主書令史題署其上隋復加
曰但著主書不煩著令史字自此除令史字令史唐又除之

通事舍人一

原杜氏通典曰通事舍人昔堯試命舜賓於四門蓋今

任也秦置謁者漢因之掌儔贊受事員七十人選孝廉

年未五十威容嚴恪能儔贊者為之

燕太子使荆軻劫始皇變起兩楹之

間其後謁者持匕首刺腋漢

高帝偃武修文故易之以版

有僕射冠高山冠

言其矜莊賓遠

故以高山為號終軍為謁者使行郡國建節出東闕闕吏識之曰此棄繻生

後漢謁者僕射

為謁者臺士主銅印青綬天子出掌奉引

謁者僕射見尚書令對揖

無敬謁者

謁者三十人

漢官儀又曰

謁者初上官稱曰

見執版拜

灌謁者滿歲稱給事

胡廣云灌者明章二帝服勤園陵謁者灌栢後遂假茲名焉馬融曰

灌者習所職也應奉曰高帝承秦禮儀多闕灌嬰服事七年號大謁者後人掌之以姓灌章列於漢書也雷儀為灌謁者使持節督郡國行風俗太守令長留者凡七十人和帝代陳郡何熙為謁

者僕射贊拜殿中音動左右然則又掌謁贊

漢舊儀曰謁者缺選

郎中羨鬚眉大音者以補之功次當遷欲留增秩者許之

二漢隸光祿勳

後漢又有黎陽謁者

光武以幽并兵騎定天下故於黎陽立營以謁者監之兵騎千人復除甚重謁者任輕多攷情態順帝改用府掾有清名威重魏置僕射掌大拜授及百官班次統謁者遷超牧守焉

者十人及晉武省僕射以謁者并蘭臺江左復置僕射

後又省宋武帝大明中復置僕射一人職與魏同亦領
謁者十人掌小拜授及百官報章齊因之梁謁者臺僕
射掌朝覲賓饗之事屬官謁者十人掌奉詔出使拜假
朝會儉贊功高者一人為假史掌差次謁者陳亦有之
後魏北齊謁者臺掌凡諸吉凶公事導相禮儀僕射二
人謁者三十人隋煬帝增置謁者司隸二臺并御史為
三臺謁者臺有大夫一人掌受詔勞問出使慰撫持節
策授及受冤枉而申奏之駕出御史引駕領議郎以下

官

屬官有丞主簿錄事等

尋詔門下內史御史司隸謁者五司監

受表以為恒式不復專謁者矣初魏置中書通事舍人

官其後歷代皆有然非今任隋初罷謁者官置通事舍

人十六員承旨宣傳開皇三年又增為二十四員及煬

帝置謁者臺乃改通事舍人為謁者臺職謂之通事謁

者置二十人又於建國門外置四方館以待四方使者

隸鴻臚寺

煬帝置四方館東曰東夷使者南曰南蠻使者西曰西戎使者北曰北狄使者各一人掌

其方國及互市事

唐廢謁者臺復以其地為四方館改通事謁

者為通事舍人掌通奏引納辭見承旨宣勞皆以善辭
令者為之隸四方館而又屬中書省 增續文獻通考
曰遼通事舍人院屬門下省官置通事舍人金閣門通
事舍人屬宣徽院官二員掌通班贊唱承奏勞問之事
元不設以其事歸典儀明設翰林院提督四藝館內有
各國通事少卿一員主之

通事舍人二


增冊府元龜曰梁任孝恭為中書通事舍人而性頗自

伐以才能尚人於流輩中多所忽略世以此少之又
曰孝恭為通事舍人敕遣製建陵寺刹下銘又啓撰高
祖集序文並富麗自是專公家筆翰又曰陳蔡景歷
高祖初為中書通事舍人掌詔誥景歷屬文不尚雕靡
而長於叙事應機敏速為當世所稱又曰南齊劉係
宗為中書通事舍人久在朝省嫻於職事明帝曰學士
不堪治國唯欠讀書耳一劉係宗足持如此輩五百人
又曰唐崔敦禮為通事舍人辨於詞令容止閒雅見

者美之 又曰姜柔遠為通事舍人美容儀善敷奏
又曰李若水容貌甚偉為通事舍人在館三十年多識
舊儀每宣勞贊導周旋俯仰有可觀者



御定淵鑑類函卷八十四



總校官庶吉士臣張能照

校對官庶吉士臣陳墉

膳錄監生臣邱桂蟾